

關愛有需要人士 由讓坐開始 (3分鐘宣傳短片)

引言

政府一直致力貫徹「無障礙運輸」嘅理念，與各個公共交通營辦商攜手推行無障礙運輸系統，以照顧不同乘客組群嘅需要。喺政府嘅鼓勵下，各主要公共交通工具，包括港鐵、輕鐵、專營巴士、電車及部份渡輪都已經設有關愛座或優先座俾有需要人士使用，例如係長者、殘疾人士、孕婦同手抱嬰孩嘅人士。

巴士

公共交通工具上嘅關愛座同優先座，設計鮮明，易於識別；但係喺唔同嘅交通工具上，呢啲座椅嘅顏色同位置都略有不同。例如專營巴士公司將關愛座配以唔同顏色嘅椅墊、頭枕等，乘客一眼就認得。專營巴士公司仲將呢啲座椅設於車門傍邊，方便有需要人士使用。巴士車廂並張貼有「請讓座予有需要人士」標貼；加上詳盡嘅車廂廣播訊息等，提醒乘客主動讓座。

(廣播：各位乘客，本車廂設有關愛座，請讓座予有需要人士，多謝合作。)

渡輪及電車

渡輪方面，佢哋將關愛座設喺近上落船位置附近，方便有需要人士使用；而電車下層車廂內供殘疾乘客優先使用嘅座位，就設喺近司機位置。

港鐵

至於港鐵，佢哋一直鼓勵乘客讓座俾有需要人士，除咗車廂入面設優先座，喺好多唔同地方都有宣傳讓座嘅訊息。

公共小巴

喺公共小巴方面，包括紅色小巴及綠色專線小巴，雖然普遍都無設定關愛座，政府鼓勵市民將車門附近嘅座位讓俾有需要人士使用。

網頁

個別公共交通營辦商嘅網頁上，例如係九巴、新巴、城巴同港鐵，都設有鼓勵乘客讓座同有關關愛座嘅資訊，俾大家可以了解更多。

安全

喺讓座嘅時候，要注意安全，特別喺交通工具行駛嘅時候。緊握車廂入面嘅扶手，保持平衡，無論係讓座嘅、或者有需要嘅，大家都安全安心喇。

總結

關愛有需要人士，由讓座開始。平日搭乘公共交通工具，唔好佔用關愛座，留番俾有需要嘅人士；當見到佢哋上車，主動協助佢哋坐低啦。